

**Broj:** 01/1-5- /21  
**Kakanj,** 31.03.2021. godine

Na osnovu člana 24. stav (1) tačka 14) Statuta Općine Kakanj („Službene novine Općine Kakanj“, broj: 4/08) i člana 5. Odluke o dodjeli petnaestoaprilskih priznanja („Službene novine Općine Kakanj“, broj: 9/11 i 5/16), Općinsko vijeće na 5. sjednici održanoj 31.03.2021. godine donijelo je

**O D L U K U**  
**o dodjeli Petnaestoaprilskih priznanja**

**Član 1.**

U povodu 15. aprila – Dana općine Kakanj, dodjeljuju se sljedeća Petnaestoaprilska priznanja:

**A) GRB OPĆINE KAKANJ**

1. „**Grb općine Kakanj**“ se dodjeljuje:

Proizvodno prometno društvo Delibašić poliuretani d.o.o. Kakanj - brend „Moj san“ za izuzetne uspjehe u radu i ostvarenje nadprosječnih rezultata rada i poslovanja i značajnog izvoza proizvoda na strana tržišta.

**B) PLAKETA SA DIPLOMOM**

1. „**Plaketa sa diplomom**“ se dodjeljuje:

Marici Šipić za postignute uspjehe u radu i rezultatima rada koji su imali poseban značaj za zdravlje i zdravstvenu njegu stanovništva općine Kakanj u doba pandemije COVID 19.

2. „**Plaketa sa diplomom**“ se dodjeljuje:

Ahmedu Krnjiću za postignute sportske uspjehe i afirmaciji sporta na području općine Kakanj i šire.

3. „**Plaketa sa diplomom**“ se dodjeljuje:

Enijadu Čehajiću (posthumno) za značajan doprinos u Odbrambeno - oslobodilačkom ratu „92-95.“

**C) ZAHVALNICA**

1. „**Zahvalnica**“ se dodjeljuje:

Muhamedu Mušiji za predan rad i veliki doprinos u razvoju poljoprivrede i stočarstva u Kakanju.

2. „**Zahvalnica**“ se dodjeljuje:

NVO Muslim Aid za nesebičan i velikodušan doprinos unapređenju poljoprivrednih uslova građana općine Kakanj.

3. „**Zahvalnica**“ se dodjeljuje:

Mehi Lušiji za dugogodišnji predan rad i angažman u javnom i društvenom životu općine Kakanj.

**4. „Zahvalnica“ se dodjeljuje:**

NVO Caritas Switzerland za nesebičan i velikodušan doprinos integraciji romske populacije na području općine Kakanj.

**5. „Zahvalnica“ se dodjeljuje:**

UG „Ona je svjetlost“ za nesebičnu podršku ženama na području općine Kakanj u borbi i aktivnostima prevencije od karcinoma dojke .

**Član 2.**

Petnaestoaprilska priznanja uručit će se dobitnicima na svečanosti u povodu obilježavanja „15. aprila – Dana općine Kakanj“.

**Član 3.**

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

---

**Slaven Katičić**

## **OBRAZLOŽENJE**

Komisija za dodjelu 15.aprilskih priznanja imenovana Rješenjem Općinskog vijeća broj: 01/1-3-19-7/21 od 28.01.2021. je održala 3 radne sjednice: 19.02, 10.03 i 12.03.2021.godine.

Na sjednici od 19.02.2021.godine Komisija je utvrdila tekst javnog poziva. Javni poziv objavljen je na službenoj stranici Općine Kakanj, na Radio Kaknju i oglasnoj ploči Općine.

Na sjednici od 10.03.2021.godine Komisija je otvorila pristigle prijedloge te konstatirala da je odaziv na poziv ove godine bio slabiji te da su sve prijave stigle u roku.

12.03.2021.godine Komisija je utvrdila prijedlog odluke koji nudi Vijeću na usvajanje.

**Komisija za dodjelu 15.aprilskih priznanja**